

Broj: 01-24-5-164-27/25
Sarajevo, 03.07.2026. godine

Na osnovu tačke IV. stav (3) Odluke o izradi Strategije razvoja Federacije Bosne i Hercegovine do 2034. godine („Službene novine Federacije BiH“, broj 11/26), a u vezi sa Zakonom o razvojnem planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17) i Uredbom o izradi strateških dokumenata u Federaciji Bosne i Hercegovine, privremeno postavljeni direktor Federalnog zavoda za programiranje razvoja donosi:

R J E Š E N J E

O FORMIRANJU KOORDINACIONOG ODBORA ZA IZRADU STRATEGIJE RAZVOJA FEDERACIJE BOSNE I HERCEGOVINE DO 2034. GODINE

I

(1) Formira se Koordinacioni odbor za izradu Strategije razvoja Federacije Bosne i Hercegovine do 2034. godine (u daljem tekstu: Koordinacioni odbor), kao međuinstitucionalno koordinaciono i savjetodavno radno tijelo Federalnog zavoda za programiranje razvoja (u daljem tekstu: Federalni zavod).

(2) Koordinacioni odbor pruža institucionalnu podršku procesu izrade Strategije razvoja Federacije Bosne i Hercegovine do 2034. godine (u daljem tekstu: Strategija), osigurava horizontalnu i vertikalnu koordinaciju, doprinosi usaglašavanju razvojnih pravaca i razmatra ključne rezultate pojedinih faza izrade Strategije.

II

(1) Koordinacioni odbor čine imenovani predstavnici sljedećih institucija i organizacija:

a) Institucije zadužene za fiskalnu i razvojnu koordinaciju:

- Ured premijera Federacije Bosne i Hercegovine – jedan član i jedan zamjenski član;
- Ured dopremijera Federalno ministarstvo finansija/financija – jedan član i jedan zamjenski član;
- Ured dopremijera Federalno ministarstvo razvoja, poduzetništva i obrta – jedan član i jedan zamjenski član.

b) Federalni zavod i druge federalne institucije:

- Federalni zavod za programiranje razvoja – jedan član i jedan zamjenski član;
- Federalni zavod za statistiku – jedan član i jedan zamjenski član;
- Gender centar Federacije Bosne i Hercegovine – jedan član i jedan zamjenski član.

c) Federalna ministarstva:

- Federalno ministarstvo pravde – jedan član i jedan zamjenski član;
- Federalno ministarstvo energije, rudarstva i industrije – jedan član i jedan zamjenski član;
- Federalno ministarstvo prometa i komunikacija – jedan član i jedan zamjenski član;
- Federalno ministarstvo rada i socijalne politike – jedan član i jedan zamjenski član;
- Federalno ministarstvo zdravstva – jedan član i jedan zamjenski član;
- Federalno ministarstvo obrazovanja i nauke – jedan član i jedan zamjenski član;
- Federalno ministarstvo kulture i sporta – jedan član i jedan zamjenski član;
- Federalno ministarstvo prostornog uređenja – jedan član i jedan zamjenski član;
- Federalno ministarstvo trgovine – jedan član i jedan zamjenski član;
- Federalno ministarstvo poljoprivrede, vodoprivrede i šumarstva – jedan član i jedan zamjenski član;
- Federalno ministarstvo okoliša i turizma – jedan član i jedan zamjenski član;

d) Kantoni:

- tijelo nadležno za poslove razvojnog planiranja i upravljanja razvojem u svakom kantonu – po jedan član i jedan zamjenski član;
- u kantonu u kojem nije uspostavljeno posebno tijelo za poslove razvojnog planiranja i upravljanja razvojem, vlada kantona imenuje predstavnika organa uprave ili službe koji obavlja odgovarajuće koordinacione i razvojne poslove.

e) Jedinice lokalne samouprave i socio-ekonomski partneri:

- Savez općina i gradova Federacije Bosne i Hercegovine – jedan član i jedan zamjenski član;
- Privredna/Gospodarska komora Federacije Bosne i Hercegovine – jedan član i jedan zamjenski član;
- Udruženje poslodavaca u Federaciji Bosne i Hercegovine – jedan član i jedan zamjenski član;
- reprezentativni sindikalni partner na nivou Federacije Bosne i Hercegovine – jedan član i jedan zamjenski član.

(2) Federalni zavod može, prema potrebi i u zavisnosti od pitanja koje se razmatra, u rad Koordinacionog odbora uključiti predstavnike drugih institucija, upravnih organizacija, javnih ustanova i preduzeća, akademske zajednice, organizacija civilnog društva, međunarodnih organizacija i nezavisne stručnjake, bez svojstva člana Koordinacionog odbora.

III

(1) Institucije i organizacije iz tačke II ovog rješenja imenuju jednog člana i jednog zamjenskog člana Koordinacionog odbora.

(2) Za člana i zamjenskog člana imenuje se rukovodeći državni službenik, sekretar institucije ili drugi državni službenik ili predstavnik organizacije koji poznaje razvojne politike iz nadležnosti institucije, raspolaže odgovarajućim koordinacionim ovlaštenjima i može osigurati blagovremenu dostavu podataka, komentara, prijedloga i usaglašenih stavova institucije ili organizacije koju predstavlja.

(3) Institucije i organizacije dužne su, u roku od 15 dana od dana prijema ovog rješenja, Federalnom zavodu dostaviti podatke o imenovanom članu i zamjenskom članu, uključujući ime i prezime, funkciju odnosno radno mjesto, broj telefona i adresu elektronske pošte.

(4) Prilikom imenovanja članova i zamjenskih članova vodi se računa o ravnopravnoj zastupljenosti spolova i jednakim mogućnostima, u skladu sa propisima kojima se uređuje razvojno planiranje i upravljanje razvojem.

IV

(1) Koordinacionim odborom predsjedava direktor Federalnog zavoda ili drugo lice koje direktor ovlasti.

(2) Zamjenik predsjedavajućeg bira se na prvoj sjednici Koordinacionog odbora iz reda njegovih članova.

(3) Federalni zavod obavlja stručne, administrativne, tehničke i organizacione poslove za potrebe Koordinacionog odbora, uključujući pripremu i dostavljanje materijala, sazivanje sjednica, vođenje zapisnika i praćenje realizacije zaključaka i preporuka.

V

(1) Koordinacioni odbor naročito:

- razmatra metodologiju, detaljan plan rada i dinamiku izrade Strategije;
- doprinosi horizontalnoj koordinaciji federalnih ministarstava, upravnih organizacija i drugih institucija na nivou Federacije Bosne i Hercegovine;
- doprinosi vertikalnoj koordinaciji između Federacije Bosne i Hercegovine, kantona i jedinica lokalne samouprave;

- osigurava institucionalnu podršku za blagovremenu dostavu podataka, analiza, sektorskih strategija, nacрта sektorskih strategija i drugih relevantnih planskih dokumenata;
- razmatra nalaze situacione analize, SWOT analize i drugih stručnih podloga;
- razmatra i daje prijedloge i preporuke na prijedlog vizije razvoja, strateških ciljeva, prioriteta, mjera, strateških projekata i indikatora;
- doprinosi usklađivanju Strategije sa relevantnim strateškim dokumentima Bosne i Hercegovine, Federacije Bosne i Hercegovine i kantona, dokumentima iz procesa evropskih integracija i međunarodno prihvaćenim ciljevima održivog razvoja;
- razmatra prijedlog indikativnog finansijskog okvira za implementaciju Strategije;
- razmatra okvir implementacije, praćenja, izvještavanja i evaluacije Strategije;
- podržava provođenje konsultacija, tematskih radionica, javnih rasprava i drugih oblika uključivanja zainteresovanih strana;
- prati tok procesa izrade Strategije i razmatra pitanja koja mogu uticati na kvalitet, dinamiku i međuinstitucionalnu usklađenost procesa;
- predlaže uključivanje dodatnih institucija, organizacija i stručnjaka kada je to potrebno za razmatranje pojedinih pitanja.

VI

- (1) Koordinacioni odbor radi na sjednicama, radionicama i putem elektronske komunikacije.
- (2) Sjednice Koordinacionog odbora saziva predsjedavajući, na vlastitu inicijativu ili na obrazloženi prijedlog najmanje jedne trećine članova Koordinacionog odbora.
- (3) Materijali za sjednicu dostavljaju se članovima, u pravilu, najmanje pet radnih dana prije održavanja sjednice, osim u opravdano hitnim slučajevima.
- (4) Koordinacioni odbor nastoji zaključke, mišljenja i preporuke usvojiti konsenzusom. Kada konsenzus nije moguće postići, različiti stavovi se evidentiraju u zapisniku.
- (5) O radu Koordinacionog odbora vodi se zapisnik koji sadrži pregled razmatranih pitanja, usvojene zaključke i preporuke, nosioce aktivnosti i rokove za postupanje.

VII

- (1) Članovi Koordinacionog odbora dužni su redovno učestvovati u radu Koordinacionog odbora, blagovremeno razmatrati dostavljene materijale, zastupati usaglašene stavove institucije ili organizacije koju predstavljaju i doprinositi izvršavanju zadataka iz ovog rješenja.
- (2) Institucije i organizacije čiji predstavnici učestvuju u radu Koordinacionog odbora dužne su osigurati institucionalnu podršku svojim predstavnicima i, u okviru svojih nadležnosti, blagovremeno dostavljati podatke, analize, komentare, prijedloge i druge materijale potrebne za izradu Strategije.

(3) Članovi Koordinacionog odbora postupaju u skladu sa važećim propisima, pravilima struke, načelima javnosti, transparentnosti, partnerstva i odgovornosti, te u interesu kvalitetne i pravovremene izrade Strategije.

VIII

(1) Koordinacioni odbor djeluje do usvajanja Strategije, osim ako se posebnim aktom ne odredi drugačije.

(2) Članovima i zamjenskim članovima Koordinacionog odbora ne pripada posebna naknada za rad u Koordinacionom odboru.

IX

(1) Ovo rješenje stupa na snagu danom donošenja i dostavlja se institucijama i organizacijama iz tačke II ovog rješenja.

O b r a z l o ž e n j e

Zakonom o razvojnem planiranju i upravljanju razvojem u Federaciji Bosne i Hercegovine utvrđeno je da je Strategija razvoja Federacije Bosne i Hercegovine integrisani, multisektorski strateški dokument kojim se definišu javne politike, usmjerava razvoj Federacije Bosne i Hercegovine i utvrđuju strateški ciljevi i prioriteti razvoja, način njihovog ostvarivanja, finansijski i institucionalni okvir za implementaciju, praćenje, izvještavanje i evaluaciju.

Vlada Federacije Bosne i Hercegovine donijela je Odluku o izradi Strategije razvoja Federacije Bosne i Hercegovine do 2034. godine, kojom je Federalni zavod određen za nosioca izrade Strategije i zadužen da, primjenom otvorenog metoda koordinacije i poštujući principe horizontalne i vertikalne koordinacije, formira radna tijela radi uključivanja nadležnih institucija, kantona, jedinica lokalne samouprave i socio-ekonomskih partnera u svim fazama procesa izrade Strategije.

Formiranje Koordinacionog odbora potrebno je radi osiguranja pravovremene međuinstitucionalne koordinacije, razmjene podataka i stručnih podloga, usaglašavanja razvojnih pravaca i razmatranja ključnih faznih rezultata izrade Strategije. Učešće federalnih institucija, kantona, jedinica lokalne samouprave i socio-ekonomskih partnera omogućava da se u sadržaju Strategije na odgovarajući način odraze različite nadležnosti, teritorijalne razvojne potrebe i interesi relevantnih društvenih i ekonomskih aktera.

U prvu grupu institucija uključeni su Ured premijera Federacije Bosne i Hercegovine, Federalno ministarstvo finansija/financija i Federalno ministarstvo razvoja, poduzetništva i obrta, imajući u vidu njihovu ulogu u političkoj koordinaciji, fiskalnom planiranju i oblikovanju razvojnih i ekonomskih politika. Ostale institucije i organizacije uključene su u skladu sa svojim nadležnostima i doprinosom pojedinim oblastima razvoja.

Federalni zavod, kao nosilac izrade Strategije, predsjedava Koordinacionim odborom i obavlja stručne, administrativne, tehničke i organizacione poslove, čime se osiguravaju jasna odgovornost za koordinaciju procesa, kontinuitet rada i praćenje realizacije zaključaka i preporuka.

Na osnovu navedenog, odlučeno je kao u dispozitivu ovog rješenja.



Privremeno postavljeni direktor

Rijad Kovač

Dostaviti:

- institucijama i organizacijama iz tačke II ovog rješenja;
- a/a.